

SPORAZUM O POSLOVNOJ SURADNJI

Zaključen dana 06.01.2020.godine u Sarajevu između KJKP „Vodovod i Kanalizacija“ d.o.o.Sarajevo Pogon „Vodovod“ (u daljem tekstu: „Vodovod“ Sarajevo) koju zastupa direktor dipl.ing. Enver Hadžiahmetović i Ministarstva za boračka pitanja Kantona Sarajevo (u daljem tekstu Ministarstvo) koga zastupa ministar mr.Ismir Jusko

I

Predmet ovog Sporazuma je realizacija projekta priključka na vodovodnu mrežu stambenih jedinica šehidskih porodica, ratnih vojnih invalida i demobilisanih boraca, kao i uslovi, način i plaćanje po izvršenim radovima priključenja objekata na vodovodnu mrežu.

II

Šehidske porodice, ratni vojni invalidi i demobilisani borci kojima je potreban novi priključak, a za koje Ministarstvo dostavi „Vodovodu“ Sarajevo saglasnost za plaćanje, imaju pravo na izgradnju priključka uključujući ogrlicu za priključenje, 7 metara cijevi od uličnog cjevovoda do vodomjernog okna, vodomjer, ventile i fittinge u vodomjernom oknu, ako imaju svu zakonom propisanu dokumentaciju. Troškovi ovakvog priključka sa uračunatim PDV-om iznose 464,72 KM u zavisnosti od promjera cijevi na koju se korisnik priključuje saglasno kalkulaciji br.005/17-01, 005/17-02, 005/17-03, 005/17-04 od 02.02.2017. godine i snosi ih Ministarstvo. Eventualne troškove iznad gore navedenih padaju na teret korisnika.

III

Zemljani radovi i radovi na sanaciji prokopa (asfaltiranja, betoniranja i sl.) nisu u obavezi „Vodovoda“ Sarajevo.

IV

„Vodovod“ Sarajevo se obavezuje da će po dostavljenim preliminarnim spiskovima za priključak na vodovodnu mrežu od strane ovog Ministarstva prethodno izvršiti provjeru stanja u smislu da li su predloženi korisnici sa spiskova ranije izvršili plaćanje priključka vode, te da li su već registrovani kao kupci vode na nekom drugom objektu na području Kantona Sarajevo.

Nakon provjere spiskova „Vodovod“ Sarajevo pismenim putem šalje povratnu informaciju, nakon čega će Ministarstvo dati konačnu saglasnost za koje će korisnike izvršiti plaćanje priključenja na vodovodnu mrežu.

V

Ministarstvo se obavezuje da će izvršiti plaćanje po završenim radnjama iz tačke II i IV ovog Sporazuma, na osnovu ispostavljenih računa od strane „Vodovoda“ Sarajevo u skladu sa dinamikom plaćanja putem Ministarstva finansija Kantona Sarajevo.

VI

Sve eventualne nesporazume koji se jave po ovom Sporazumu „Vodovod“ Sarajevo i Ministarstvo će rješavati prvenstveno sporazumno u duhu dobrih poslovnih odnosa uzajamnog povjerenja.

U slučaju spora nadležan je Sud u Sarajevu.

VII

Sporazum stupa na snagu danom potpisivanja, a odnosi se na period do 31.12. 2020. godine.

VIII

Sporazum je sastavljen u četiri istovjetna primjerka od kojih svaka strana zadržava po dva.

KJKP „VODOVOD I KANALIZACIJA“
D.O.O. Sarajevo



dipl.ing.Enyer Hadžiahmetović

Broj: 03/20
Sarajevo, 08.01.2020. godine

KANTON SARAJEVO
Ministarstvo za boračka pitanja



mr. Ismir Jusko

Broj:06-11-176/20
Sarajevo, 06.01.2020. godine